

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA**

n/r predsjedavajućeg Tomislava Martinovića

Sarajevo, 21.07.2023. godine

Primijeno?	02-2023	
Org. broj		
	02 -	02 - 1429/22

X-

Predmet: Amandman na Prijedlog zakona o korištenju obnovljivih izvora energije i efikasne kogeneracije

Poštovani,

Na osnovu članova 8., 10., 177. i 178. Poslovnika o radu Doma naroda Parlamenta Federacije Bosne i Hercegovine dostavljam amandman na Prijedlog zakona o korištenju obnovljivih izvora energije i efikasne kogeneracije.

S poštovanjem,

Delegat
Fatima Gavrankapetanović Smailbegović

AMANDMAN I

U članu 52. u stavu (1) riječi „iznos u visini od najmanje 10%“ mijenjaju se riječima „iznos u visini do najviše 5%“.

OBRAZLOŽENJE

Članom 52. je određeno **dodatno povećanje naknade od najmanje 10%** što direktno dovodi do povećanja cijene, odnosno troškova, električne energije za sve kupce električne energije bez izuzetka. Naknadu za promociju obnovljivih izvora energije plaćaju svi kupci električne energije u FBiH bez izuzetka, uključujući i domaćinstva i industriju. Dakle pored toga što industrijski kupci u FBiH plaćaju značajno višu cijenu električne energije u odnosu na kupce električne energije iz kategorije domaćinstva, predloženim se njima uvodi povećanje postojeće naknade za obnovljive izvore električne enerije kojom će se sufinansirati projekti prosumera u kategoriji domaćinstva.

Dodatno, **svi kupci električne energije iz kategorije domaćinstva će plaćati ovu naknadu a koristiće je samo jedan dio „odabranih domaćinstva“** (po kriterijima Operatora za OIEiEK). Poznavajući strukturu kupaca, kupci iz socijalo ugroženih kategorija su kupci koji imaju najmanje šanse da postanu prosumeri (vlasništvo nad objektom, relativno mala potrošnja električne energije, potreba vlastitog učešća - svugdje u bližem i širem okruženju je iznos sufinansiranja za prosumere bio 20-50% od iznosa investicije, kompleksna procedura pribavljanja dokumentacije...) tako da će oni u najmanjem broju zastupljeni u prosumerima. Dakle plaćaju svi kupci električne energije, a koristi samo dio kupaca iz kategorije domaćinstva. **Dodatno, zbog klimatskih karakteristika, biti prosumer je u nekim dijelovima FBiH puno isplativije (veća osunčanost), nego u drugim dijelovima, a naknadu plaćaju svi kupci.**

U krajnjem, svi kupci električne energije će plaćati naknadu, a od predviđenog iznosa naknade (10%) korist će imati **„domaćinstva odabrana po kriteriju“** (manje) i **uvoznici, odnosno prodavači, solarnih panela i opreme za instalaciju solarnih elektrana na krovove** (više). Pošto se ta oprema ne proizvodi u BiH, znači da nema novih radnih mjesta, nego će profitirati posrednici u prodaji.

U Nacrtu Zakona (nakon provedenih javnih rasprava) **je bilo definisano 2%** što je kao subvencija za nešto (prosumeri) što još nije uvedeno, za šta u FBiH nema iskustava, i za šta je potrebno donijeti još niz podzakonskih akata, bilo razumljivo. Međutim u Prijedlogu Zakona je taj iznos povećan na najmanje 10% (bez obrazloženja) što znači da će krajnjim kupcima električne energije u FBiH troškovi nabavke električne energije porasti za dodatnih cca 3 mil KM/god. Shodno navedenom predlažem da se ovaj iznos ograniči u maksimalnom iznosu do najviše 5%.